

劉遠遠堂

達以問南

逢簡南鄉

劉追遠堂族譜

慎存勿失

南海逢簡劉氏族譜叙

水之千流萬派必本乎一源木之繁葉層柯必本乎
一根人之本乎祖亦猶水之有源木之有根則世系
族譜其可忽乎一我逢簡劉氏八世孫瑛追念祖宗
敬編族譜則思慕之心安在因之徵予為序予甚嘉
之蓋名門碩族子孫蕃衍衣袂綿綿非世系則尊卑
之分不明瑛之重是豈不賢哉詩云永言孝思孝思
維則然矣予按劉氏自周大夫食采於劉故得氏焉傳
歷代後遷於漢漢有沛公唐有鼎鄉宋有弘仁皆出其
派迨夫諱應莘公號耕樂又號如尹者登宋進士刺史

雄州值宋季多事去官以遨遊慕五羊風景至廣州
娶佳配林氏又慕南海之蓬簡土沃俗淳遂家焉公創
業開基址性度寬洪兄為一鄉之吉人也時遇歲飢尚義
出粟復受義官生子禘可禘保兄弟二人則為二世迄
今淳輩則為九世矣 祖有譜帙景泰改元庚午反
賊黃蕭養作耗天戈南征兵燹不存惟公繪真而已瑛
勞心役慮厯考 祖宗寔行并述所聞編次成譜為圖
自一世至九世以俟百世於事跡不以富貴而板援不以
貧賤而損棄總服雖斬而尊卑之分秩然神主雖祧而
思慕之心咸若俾後世子孫得有所據而知夫根由

大明成化闕逢執徐季冬穀旦

之有自得有所考以續夫支派於無窮矣謹序

賜進士奉直大夫提舉廣東市舶前翰林院侍讀
學士經筵講官兼太子講讀 古渝江朝宗撰

逢簡重修劉氏族譜序

順德庠生劉本饒因其友唐堯臣請於予曰劉族故
有譜遭兵燹不存弘治癸亥父 逢壺復訂修之願
辱一言弁諸首案陶唐氏之後封於劉子孫遂以為
姓散在四方蕃衍不可考生初 祖諱應莘字如尹
號耕樂宋季由南雄掛冠遷今之順德逢簡鄉嘗出

粟賑飢復榮受散官風高一時家業日隆以耕樂
生禘可號月樵月樵生德仲號雲林雲林生子立號
翠筠翠筠生觀成號松溪松溪生瓚號存心存心
生耀號願菴願菴中間樹葉植德或子成或增創
舉勉勉無遺力願菴生瑛號蓬壺則生父也讀儒
書通大義而於陰陽法律罔不旁覽向尤惓惓於族譜
之修得尊祖敬宗先裕後之義六子皆賢澤淮江三
子并在邑庠習進士業駸駸於成子雖未獲觀其譜
之詳而求其歷世傳誌之顛末然竊觀耕樂翁在宋
世季世正世道分更兵民困苦之秋當是時能秉義

推衣以濟人人之心感而祝之必深天心之盛而報之必篤宜其歷八世而家業日隆更三子而科名益振范文正公有言自祖宗來積德百餘年而始發於吾不欲獨享富貴而必務恤宗族者將在茲乎矧蓬壺君又能義受報而勿替引之又未可匯乎此譜所以當重而予所以願序之也

正德二年龍集疆圉單闕重陽後二日 奉政大夫浙

江金華府同知致仕 詔階朝列大夫邑人黎暹叙

訂抄族譜序

吾族故有譜明景泰庚午黃賊作耗兵燹弗存賴

八世祖蓬壺君追維報本勞心役憲復訂修之自一世

以至九世而尊卑之分長幼之序無不秩然昭著矣降
至於今以歷十餘世族屬日繁宗支莫辨揆厥前人遊
泮水登賢書代不乏人未見有繼志述事者間有家輯
舊譜而生終或舛年號或差墓誌多恒不詳表傳每多不
錄是以二世生終反出乎始祖之上竟習以為常而不知其非
也蓋歷世久而修之愈難及今為之尚不若前人之易為力也
而况又靡靡以聽於後人乎吾常以此志望于諸父兄合族
修明使家有藏譜人人時切木本水源之思盡其尊宗敬
祖之義理無如人不我顧徒事空言余又安能置之度外哉
今不得已暫時將原譜之差謬者參互考訂之昭然相當

其有事迹墓誌未備尚可搜索者載入之支派本自鼻祖迄於本身詳而明之為圖各房所知者一概錄之編次成譜雖未能盡得其全亦使後人猶得其一二可據并以俟乎有志之孝子順孫他日合族重修得以備考也書此鄙言聊以自記云耳未知是否不敢質之高明

嘉慶三年歲次旃蒙大淵獻著雍敦牂十八傳孫喬芳氏

重修祠堂記

嘗思天子賜姓命氏諸侯命族是以皇帝之子二十五人得姓者二十四人而已魏晉以來取子于閭閻而姓氏尤重今誌風俗者輒次之以姓氏君必任乎世臣國必尊於巨室家必統乎大宗

則世家喬木而鄉國之群黎之望所從來矣我雄州公所姓劉氏
系出陶唐漢室本宣皇帝之後高祖皇三十八代孫也當公之刺
雄州也正宋季多事之秋知大勢之不可為遂飄然而去參於南海
之蓬簡焉故蓬簡以南鄉為劉氏宗也公之沒也後松溪公祠其堂
影堂而光大之用以妥先靈而永言孝思世世賴以不朽夫非
尊宗敬祖之大義哉歷六世而至十三四世年逾三百瓦垣不
且老乎其將治而輯之并治門樓之未治也我蘭谷公寔有志焉而
未之逮天啟元年歲次辛酉余方別業禺山由吳郡盧太史輩
於結訶林舊社至秋買航而返適叔九弟侄二十餘人集族之老少
倡議任事於時堂壁重新門樓繼起鳩工庀材費耗二倍不四越

月而告落成焉廟貌既隆明衢廣辟美哉輪哉蓋都然一大觀也乎松溪公之影堂殆与此而益光也已今而後地靈人傑視昔有加耶四壯之容於斯聿駿耶余愛其能不自私其身圖會先君未逮之志誠有足嘉因揭而書之俾後之宗人子姪望其祠者時深木本水源之思後先濟美更以高大門閭無忘祖宗之令德是歲冬臘之後二日

十二世孫克孝撰

重修追遠堂入主祝文 維

天啟元年歲次辛酉十一月朔越吉日孝孫敢昭

告於我族

列世祖考妣

伏以

祖宗功德非廟則報不崇春祀秋嘗非修則靈不妥故殷商之營臺
寢景山奠其基東魯之伽闕宮吳斯董其役陸傳所載萬古為昭
我毓秀庾凶寔同嶽神降創基逢時遂成庾秩之綿

列位蒙安襲慶懿緒漸光

五世拓業詒休厥宗益允故合五代而配享一堂亘千秋而廟食無替
先靈既安報德亦崇故棟楹魚恙時久而垣壁幾頽路寢須宏草創而
門庭未建致撫成業者尚歎堂構之思過寢門者有委草莽之嘆
是用孝子慈孫矢心協力捐金解囊選材鳩工正寢則易其後垣庶
有基魚懷一門庭則澈湫隘而鼎建一新俾入廟而思居處思笑語不以
世遠年湮而不虔奉觴而仰懷楸俯几筵且以烏革輦飛而愈凜乎夫

抄錄五代神主生終備考嘉慶二十一年丙子三月二十日宗主階王題主開抄的

始祖考生宋紹熙二十年辛亥終宋景定五年乙丑壽七十四

注紹熙只有五年若按紹熙二十年其公元即1210年景定五年即公元1264年只五十五歲

鑑景定乃理宗之年號咸淳係度宗之年號家乘載始祖來自咸淳咸淳在景定之後既終於景定又何得來自咸淳死辛亥至乙丑壽應七十五何止七十四與家乘

實不符按主與譜上下相隔六十年若依主則始祖四十四歲生二世依譜則少二世

一十八年

嘉定四年其公元是1212年至元二十年則是公元1284年其壽是六十二故譜確有誤處

劉長明注

始祖妣生宋嘉定四年辛未終元二十年壽七十二

元二十年定必元至元二十年鑑是年癸未按主與譜上下相去六十年若

依主則始祖妣二十四歲而生二世依譜則少二世三十八歲

二世祖考生宋端平元年甲午終元大德十年丙午壽七十三

主與譜皆依主一世三十八歲生三世依譜則八十三

二世祖妣生宋端平三年丙申終元大德七年癸卯壽六十六

鑑端平三年丙申大德七年癸卯主與譜皆同依主則二世祖妣三十六歲生三世依譜則八十一

三世祖考生元八年終元至正十七年壽七十二

元八年定必至元八年鑑八年辛未即咸淳七年至正十七年丁酉以癸未計至丁酉乃八十七年不止七十二依主六十歲生四世依譜則二十六按主與譜辛未丙辰上下相去四十六年况書二世生於元而不知是時尚書宋制何得便書元或者當目見二世反長始祖一十八年故將始祖擡高六十年又見二世八十三歲而生三世但二世壽止七十三豈死後十年而生子乎故又將三世之生擡高四十六年終擡

高三十一年是以壽不止七十二而得八十七何以知之日以辛未計至丙辰非高四十
六乎以主南譜之丁酉丁卯非高三十一年乎生禮四十六年終亦應禮四十六乃合七十
二之數今生禮四十六終禮三十一非多十五年壽乎以十五年合七十二非八十七年乎
三世祖妣生元至九年丁亥終元至正十二年壽六十六

鑑九年乃至申不是丁亥至正十二年是壬辰將丁亥計至壬辰合六十六歲但不
合至元九年若將壬申計至壬辰乃八十一年又不合六十六壬申少三世祖考一歲丁
亥則少一十七歲依主六十歲生四世依譜則二十五歲按主南譜丁亥丁巳相去三
十年若依鑑九年改回壬申則南丁巳相去四十六年而壬辰與壬戌又隔三十年非
生終俱禮高乎生禮四十六終禮三十非多十六年壽乎

鑑元文帝至順元年庚午永樂四年丙戌並無及宗辛未計至丙戌合七十六歲但不合元年庚午若庚午則壽應七十七按主與譜生終俱隔十年依主則四十八歲生五世依譜則三十七歲若五世生于庚申則又五十一歲而生五世

四世祖妣生元順宗正統元年終明永樂八年壽七十八

鑑元順帝元統元年癸酉永樂八年庚寅並無順宗正統按主與譜生終俱隔十年依主四十五歲生五世依譜則三十五歲若依五世生于庚申則又四十八而生五世五世祖考生明洪武十三年丁巳終景泰元年庚午壽七十四

鑑洪武十三年乃庚申非丁巳若丁巳乃洪武十年耳依十三年壽止七十一改十年丁巳乃合七十四依十三年則二十四歲生六世若依十年則二十七歲生六世

五世祖妣生明洪武十五年壬戌終天順二年戊寅壽七十七

與譜同計二十二歲生六世

余按五代之主由譜獨二世五世相同餘皆不合未知孰是若依神主口則三世祖妣以六十歲而生四世斷無是理況四代以上生子俱遲五代以下生子俱早又內中壽數年甲每多不符而且宋尚存而書元事寔可疑若依譜則二世反長始祖一十八年又斷斷不是然則從主由抑從譜由從主則花甲重逢之祖妣而生子寔罕見聞從譜則子長過父亦千古奇事愚意惟有將二世之生終改遲後六十年則始祖考行年四十四始祖妣行年二十四而生二世二世考年二十三二世妣年二十而生三世三世祖年二十六三世妣年二十五而生四世四世祖年三十七妣三十五而生五世則世世相因不遲不早似合乎